

նշանները խապառ ջնջեցին նէ՛ անի չեմք զիտեր. ըստ որում յիշեալ թուին նորոգութեան ժամանակնին՝ որմերուն առջին սեղաններ աւելցուցին իրենց սովորութեան համեմատ, որով և մեր հայկազնն եկեղեցին՝ հռովմէազնն դարձուցին...»:



## Թ

### Ս. ՓՐԿԶԻ ՎԱՆՔԸ

Աւետարանի պատմութեան համաձայն, Յուդայի առաջնորդութեամբ քահանայապետներու և ժողովրդեան ձերերու մարգերը սուրերով և բիրերով Յիսուսը Կեթսեմանիի մէջ կը բռնեն. ու կոպելով կը տանին՝ նախ Աննայի՛ և յետոյ Կայիափա քահանայապետին տունը, ուր, յետ հարցաքննութեան, ամբօսը կը պռռայ ըսելով թէ «մահապարտ է» ու ոմանք կ'սկսին Յիսուսի երեսը թքնել, կռփել և ուրիշներ ալ կ'ապտակին. այդ պահուն Պետրոսը գաւթին դուրսը նստած կը տաքնար. ան՝ աղախինի մը հարցման վրայ՝ երեք անգամ կ'ուրանայ Յիսուսը. յետոց Պետրոս յիշելով իր Վարդապետին խօսքը՝ դուրս կ'ելնէ և դառնապէս կ'սկսի լալ (ՏԵՍ Մատթ. ԻԶ. 57-75, Մարկ. ԺԴ. 53-72, Ղուկ. ԻԲ. 54-62, Յովն. ԺԸ. 12-27):

Յիսուսի այս տնօրինական գործերուն ի յիշատակ՝ Կայիափայի տան տեղւոյն վրայ քրիստոնեայք՝ Զ. դարուն, կառուցած են սրբավայր մը, իբր կեղրոն ուխտագնացութեան. և նոյն սրբավայրը մինչեւ հիմակ գոյութիւն ունի եւ սեպհականութիւնը կը վերաբերի Հայոց և այժմ ան կը կոչուի Ս. Փրկչախանի:

Պիտի գրենք նախ Ս. Փրկչավանքին պատմութիւնը և վրկայութիւնները և յետոյ պիտի յիշենք Է. դարէն սկսեալ Աւարք Հինգչաբթիի զիշերուան թափօրը Ս. Փրկչի եկեղեցիին մէջ. եւ ապա ի ձեռին ունեցած մեր յիշատակարաններու համաձայն, պիտի ծանօթագրենք նոյն վանքին մէջ տեղի ունեցած դէպքերը: